



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 71. Beatus Didacus a Sixto Papa Sanctis annumeratus.

[urn:nbn:de:hbz:466:1-67246](#)

Sæcul. XVI.
A.C. 1588.

quem etiam quadam sacra doctrina im-
buit. Porro Adornius hujus Congre-
gationis Auctor Anno Incarnationis
dominicæ millesimo quingentesimo
nonagesimo primo in Sanctitatis fama
Neapoli obiit.

§. LXXI.

*Beatus Didacus a Sixto Papa San-
ctis annumeratus.*

Bull. Const.
82. p. 688.

Wadding.
annal. Fr.
Min.

Baillet vie
des Saints
au 13. Nov.
tom. 3.

Hoc item anno Sixtus V. aliam adhuc
septima Julii die edidit Constitu-
tionem, qua Beatum Didacum, seu
hispanice Diego dictum, quod haud
aliud, quam Jacobi nomen est, Sancto-
rum albo inscripsit. Erat is natus in
sancti Nicolai villa Hispalensis Dioce-
seos, qui plusquam viginti sex abhinc
annis e vita excesserat, ejusque Cano-
nizatio apud Pium IV. Pium V. & Gre-
gorium XIII. vehementer a Philippo II.
Hispaniarum Rege urgebatur, qui ad
hoc pietatis studium, gratique animi
testificationem incitatus erat, eo quod
ejus Filius natu major Carolus hujus
sancti Viri patrocinio pristinæ sanitatis
gratiam præter naturæ ordinem Anno
a partu Virginis millesimo quingentesi-
mo sexagesimo secundo impetraverat
eapropter Pius IV. jam anno Christi
millesimo quingentesimo sexagesimo
quinto tanquam hujus causæ Depu-
tatos

tatos quinque Cardinales, & tres Hispaniae Episcopos nominabat, ut in hujus sancti vitam in ipsis illis locis, ubi is vixerat, inquirerent: postquam vero ad hoc negotium penitus absolendum cuncta erant disposita, interveniente quodam dissidio cum Sede Apostolica, rei executio differebatur usque ad Pontificatum Sixti V., qui idem Fratrum Minorum institutum æque, ac beatus Didacus olim, profitebatur, hinc Ordinem sancti Francisci honoraturus ad absolvendam hanc Canonisationem animum præ suis Prædecessoribus magis propensum exhibebat, moxque Congregationem instituebat, ut omnia hanc in rem necessaria accurate discuterentur: porro hoc examine finito Canonisationis diploma edidit Pontifex, festumque hujus sancti diem sub ritu simplici celebrari voluit duodecima Novembris, qua die Didacus olim animam Deo reddiderat: Innocentius vero XI. postea sub ritu semiduplici hoc festum die decima tertia ejusdem Memphis coli præcepit. Ceterum hujus Canonisationis festivitas cunctas antea celebratas sua magnificentia longe superabat, plurimumque opinio eo abibat, quod ipsemet Sixtus V. illam precationem, quæ in hujus sancti festo in Breviario Romano recitatur, composuerit.

Sæcul. XVI.
A.C. 1588.

§. LXXII.